



Jarida la Wizara ya Habari Utamaduni Sanaa na Michezo



TOLEO 001

LA MTANDAONI

OKTOBA, 2017



Uk.
01

NDANI
TANZANIA kuwa Mwenyeji Tamasha la
JAMAFEST 2019

Uk.
03

Mhe. Juliana Shonza Naibu Waziri Mpya wa
Wizara ya Habari Utamaduni Sanaa na Michezo



DAWATI LA UHARIRI

MSANIFU JARIDA

Benedict J. Liwenga

WAANDISHI

Lorietha Laurence

Anitha Jonas

Genofeva Matemu

Shamimu Nyaki

Eleuteri Mangi

WAANDAAJI

Jarida hili limetolewa na

Wizara ya Habari, Utamaduni, Sanaa na Michezo

Kitengo cha Mawasiliano Serikalini

Jengo la LAPF

Mtaa wa Makole Uhindini

S.L.P 25

DODOMA-TANZANIA

Simu : 026-2322129

Faksi : 026-2322128

Barua Pepe:km@habari.go.tz

Tovuti: www.habari.go.tz





YALIYOMO

HABARI

KURASA

Tanzania iko tayari kuwa Mwenyeji Tamasha la JAMAFEST 2019	1
Mhe. Juliana Shonza ateuliwa kuwa Naibu Waziri wa Habari	3
Majadiliano ya Kanuni za Maudhui ya Utangazaji na Mitandao ya Kijamii	5
Tamasha la Sanaa na Utamaduni la Kimataifa Bagamoyo	7
Mkandarasi Mpya wa Utoaji Tiketi Uwanja wa Taifa-Dar es Salaam.....	9
Tamasha la Utamaduni Tukuyu-Mbeya	11
Matumizi ya Kiswahili Fasaha kwa Watangazaji	13
Naibu Waziri Shonza aahidi kusimamia Maadili ya Mtanzania	14
Matukio mbalimbali katika Picha	16



Dkt. Harrison Mwakyembe: Tanzania iko Tayari kuwa Wenyeji wa Tamasha la JAMAFEST 2019



Na. Benedict Liwenga

Waziri wa Habari, Utamaduni, Sanaa na Michezo. Mhe. Dkt. Harrison Mwakyembe alisema kwamba, Tanzania iko tayari kuwa wenyeji wa Tamasha la Utamaduni na Sanaa Afrika Mashariki maarufu kama JAMAFEST kwa mwaka 2019.

Kauli hiyo aliitoa Mjini Kampala nchini Uganda wakati wa Ufungaji wa Tamasha hilo kwa

mwaka 2017 ambapo wenyeji kwa mwaka huu ilikuwa ni nchi ya Uganda.

Mhe. Mwakyembe alizipongeza nchi Wanachama wa Jumuiya ya Afrika Mashariki (EAC) ambazo zilihuduria tamasha hilo kwa ushirikiano wa hali ya juu katika kubadilishana uzoefu na ujuzi juu ya masuala mbalimbali yanayohusu utamaduni na sanaa kwakuwa yameongeza mahusiano mapya ya karibu baina ya nchi hizo.

Waziri Mwakyembe aliezea kufurahishwa kwake kwa kujiona ngoma mbalimbali za kitamaduni toka kwa nchi wanachama ambazo zinaakisi uhalisia wa utamaduni wa nchi hizo, pia alifurahishwa na kwa kujiona bidhaa mbalimbali adimu toka kwa nchi hizo, jambo ambalo alisisitiza kwamba, nchi wanachama hazinabudi kuendelea kushirikiana katika kuzilinda tamaduni hizo na kuendelea kujifunza ujuzi mbalimbali wa kazi za sanaa.



"Nilipotembelea Maonyesho ya Tamasha hili pale katika viwanja vya Kololo nilifurahi sana kujionea ngoma za kitamaduni toka kwa vikundi mbalimbali vya nchi wanachama wa Jumuiya yetu ya Afrika Mashariki, hakika inapendeza sana, kwakweli tuzidi kuzilinda tamaduni zetu na kushirikiana kwa karibu zaidi", alisema Mhe. Mwakyembe.

Akiongelea kuhusu suala la Tanzania kukubali kuwa wenyeji wa Tamasha lijalo litakalofanyika mwaka 2019, Dkt. Mwakyembe alisema kwamba, Tanzania iko tayari kuwa wenyeji katika tamasha hilo lijalo na akazitaka

nchi wanachama kujitahidi kushiriki pasipo kukosa wakiwa na bidhaa zao za kutosha huku akiwaahidi kuwa pindi wajapo Tanzania watafurahia mambo mengi na kujionea namna Watanzania wanavyo chapa kazi kutokana na kaulimbiu ya 'HAPA KAZI TU' ilioasisiwa na Rais wa Awamu ya Tano wa Jamhuri ya Muungano wa Tanzania, Mhe. Dkt. John Pombe Magufuli.

Tamasha la JAMAFEST lilianzishwa mwaka 2013 nchini Rwanda na baadhi ya Viongozi wa Jumuiya ya Afrika Mashariki ambapo kwa mwaka huu tamasha hilo limefanyika mjini Kampala nchini Uganda na kwa mwaka 2019 linatarajiwa kufanyika nchini Tanzania.

“Kwakuwa mwaka 2019 ni mzunguko wa Tamasha kama hili niwaambie kwamba, Tanzania iko tayari kuwa mwenyeji wa Tamasha hili na nawakaribisheni kwa dhati kabisa mje kujionea nchi yetu na namna tunavyofanya kazi kwa bidii, lakini pia mje na bidhaa nyingi zaidi kwa ajili ya kuwaonyesha Watanzania; - Dkt. Mwakyembe”



Naibu Katibu Mkuu wa Wizara ya Habari, Utamaduni, Sanaa na Michezo, Nuru Millao (kushoto) akipatiwa maelezo na Mjasiriamali wa Kitanzania kuhusu ubora wa nguo za Batiki wakati alipotembelea mabanda ya Watanzania katika Tamasha la Sanaa na Utamaduni la Afrika Mashariki maarufu kama JAMAFEST 2017 lililofanyika MJINI Kampala nchini Uganda mapema Septemba mwaka huu.



Mhe. Juliana Shonza ateuliwa kuwa Naibu Waziri wa Wizara ya Habari

Na. Mwandishi Wetu

Rais wa Jamhuri ya Muungano wa Tanzania, Mhe. Dkt. John Pombe Magufuli aliwaapisha Mawaziri saba, Manaibu Waziri 16 wa Wizara mbalimbali pamoja na Katibu mpya wa Bunge hivi karibuni.

Hafla hiyo ilifanyika ikulu Jijini Dar es Salaam na kuhudhuriwa na Makamu wa Rais, Mhe. Samia Suluhu Hassan, Waziri Mkuu, Mhe. Kassim Majaliwa, Mhe. Jaji Mkuu wa Tanzania, Prof. Ibrahim Juma, Mhe. Spika wa Bunge Job Ndugai, Katibu Mkuu Kiongozi Balozi Kijazi, Mawaziri, viongozi

wa Dini, pamoja na viongozi wa vyama vyasi.

Katika hafla hiyo, Mawaziri walioapishwa ni pamoja na Waziri wa Wizara ya Mifugo na Uvuvi, Luhaga Mpina, Wizara ya Maji na Umwagiliaji Mhandisi Isack Kamwelwe, Wizara ya Nishati Dk. Medard Kalemani, Wizara ya Madini, Angellah Kairuki, Wizara ya Maliasili na Utalii, Hamis Kigwangalla, Wizara ya Kilimo Dk. Charles Tizeba, Waziri wa Nchi, Ofisi ya Rais, Tawala za Mikoa na Serikali za Mitaa (TAMISEMI), Selemani

Jaffo na Waziri Ofisi ya Rais, Menejimenti ya Utumishi wa Umma na Utawala Bora George Mkuchika.

Nanaibu Mawaziri walioapishwa ni pamoja na Mhe. Juliana D. Shonza ambaye ni Naibu Waziri wa Wizara ya Habari, Utamaduni, Sanaa na Michezo, Stella Alex Ikupa Sera wa Bunge, Kazi, Ajira na Walemau, William Ole Nasha wa Wizara ya Elimu Sayansi na Teknolojia, Kangi Lugola wa Ofisi ya Makamu wa Rais Mazingira na Muungano, Elias John Kwandikwa wa



Rais wa Jamhuri ya Muungano wa Tanzania, Mhe. Dkt. John Pombe Magufuli akiwa katika picha ya pamoja na familia ya Naibu Waziri wa Habari, Utamaduni, Sanaa na Michezo, Mhe. Juliana Shonza mara baada kumalizika kwa hafla ya kiapo Ikulu hivi karibuni Jijini Dar es Salaam. Kushoto ni Makamu wa Rais, Mhe. Samia Suluhu Hassan na wa pili kulia ni Waziri Mkuu, Mhe. Kassim Majaliwa.

Ujenzi, pamoja na Mhandisi Atashasta Nditiye Naibu Waziri wa Uchukuzi na Mawasiliano.

Wengine walioapishwa ni alikuwa Dkt. Faustine. Ndugulile Naibu Waziri Wizara ya Afya, Maendeleo ya Jamii, Jinsia, Wazee na Watoto, Dkt. Mary Machuche Mwanjelwa Wizara ya Kilimo, Abdala Ulega Wizara ya Mifugo na Uvuvi, Subira Hamis Mgusu Wizara ya Nishati, Haruni Nyongo Wizara ya Madini, Ngailonga Josephat Kashunga Wizara ya Maliasili na Utalii, Injinia Stella Manyanya Wizara ya Viwanda Biashara na Uwekezaji, Josephati Kandenge na George Kakunda Ofisi ya Rais, Tawala za Mikoa na Serikali za Mitaa (TAMISEMI).

Katika hafla hiyo Rais Magufuli

pia alimuapisha Bw. Stephen Kagaigai kuwa Katibu wa bunge ambaye amechukua nafasi ya Dkt. Thomas D. Kashilila Mawaziri na Manaibu Waziri walioapishwa tayari wameanza majukumu yao mara moja baada ya kumalizika kikao cha Baraza la Mawaziri kilichofanyika Ikulu mara baada ya kuapishwa kwao.

Mabadiliko ya Baraza la Mawaziri yameongeza idadi ya Mawaziri kutoka 19 hadi 21, na Naibu Mawaziri kutoka 16 hadi 21, ambapo iliyokuwa Wizara ya Nishati na Madini imegawanywa na kuwa Wizara ya Nishati na Wizara ya Madini na iliyokuwa Wizara ya Kilimo, Mifugo na Uvuvi imegawanywa na kuwa Wizara ya Kilimo pamoja na Wizara ya Mifugo na Uvuvi.

Hii siyo mara ya kwanza kwa Mhe. Rais Dkt. John Pombe Magufuli kufanya mabadiliko katika Baraza hilo tangu aingie madarakani mwaka 2015, kwani amekuwa akifanya mabadiliko madogo madogo pale inapolazimu.



Rais wa Jamhuri ya Muungano wa Tanzania, Mhe. Dkt. John Pombe Magufuli akiagana na Mhe. Juliana Shonza mara baada ya kumuapisha kuwa Naibu Waziri wa Habari Utamaduni Sanaa na Michezo Ikulu, Dar es Salaam



Majadiliano ya Kanuni za Maudhui ya Utangazaji na Mitandao ya Kijamii



Katibu Mkuu wa Wizara ya Habari, Utamaduni, Sanaa na Michezo, Prof. Elisante Ole Gabriel akiongea na Wamiliki, Wawakilishi wa Vyombo vya habari pamoja na watendaji mbalimbali wa Serikali katika Mkutano uliohusu majadiliano ya Kanuni za Maudhui ya Utangazaji na Mitandao ya Kijamii hivi karibu Jijini Dar es Salaam.

Na. Mwandishi Wetu

Serikali imesema kwamba, Skasi kubwa ya maendeleo ya teknolojia ya habari na mawasiliano ambayo imeikumba sekta ya habari inalazimu jamii kufanya maboresho ya mara kwa mara ya Sera na Kanuni ili kuepusha matumizi mabaya ya vyombo vya habari.

Katibu Mkuu wa Wizara ya Habari, Utamaduni, Sanaa na Michezo, Profesa Elisante

Ole Gabriel amesema kuwa, katika kufanya hivyo ni wajibu wa wadau wote kushirikiana kutumia vyema maendeleo hayo ya teknolojia kwa ajili ya ustawi wa jamii na maendeleo ya taifa.

Profesa Elisante aliyasema hayo hivi karibuni wakati akifungua Mkutano wa siku moja wa majadiliano mionganii mwa wadau wa sekta ya habari kuhusu mapendekezo ya Kanuni za maudhui yanayorushwa na vituo vya Utangazaji vya Redio

na Televisheni na Kanuni za Maudhui Mtandaoni.

“Ni wajibu wetu kama taifa linalosimamia maadili na ambalo lingependa kudumisha amani na mshikamano, kutunga kanuni ambazo zitahakikisha kuwa kunakuwa na matumizi mazuri, sahihi na salama ya maudhui ya mtandaoni”, alisema Profesa Elisante.

Aliwaambia washiriki wa mukutano huo kuwa, kuweka



Katibu Mkuu wa Wizara ya Habari Utamaduni Sanaa na Michezo Prof. Elisante Ole Gabriel (aliyekaa katikati) akiwa katika picha ya pamoja na watendaji mbalimbali wa Wizara na Taasisi za Serikali mara baada ya kikao cha kujadili Kanuni za Maudhui ya Utangazaji na Mitandao ya Kijamii kilichofanyika hivi karibuni Jijini Dar es Salaam.

kanuni ni suala muhimu na kuwakumbusha matumizi ya mfumo wa habari mtandaoni wakati mwagine umetumika kupotosha jamii, kujenga chuki, kutoa habari za faragha za watu binafsi au habari zilizoleta sintofahamu mionganii mwa jamii.

Aliongeza kuwa, kufanyika kwa mkutano huo ni jambo muhimu kwa kuwa washiriki watapata fursa ya kujadili kanuni hizo ambazo baadhi zinadaiwa kuwa zimepitwa na wakati na pia haziendani na utendaji kazi katika ushindani wa soko.

Akiwa kama Mwenyekiti wa Mkutano huo, Profesa Elisante aliongeza kuwa, pamoja na kuwa bado kumekuwepo na mijadala mikali katika nchi nyingi zikiwemo za Magharibi kuhusu uwekaji kanuni lakini ukweli unabaki kuwa nchi hizo zimeweka Sheria na Kanuni zinazosimamia matumizi ya intaneti.

"Ni kweli kwamba, teknolojia hii ina changamoto katika usimamizi lakini hakuna uhuru usio na mipaka. Kwa hiyo, imekuwa ni wajibu wa kila nchi kutafakari mahitaji na umuhimu wa kutoa miongozo itakayosaidia jamii na Taifa", Alisema, Profesa Elisante.

Mapema akimkaribisha Katibu Mkuu, Mkurugenzi wa Idara ya Habari na Msemaji Mkuu wa Serikali Dkt. Hassan Abassi aliwaeleza washiriki wa mkutano huo kwamba, mkutano huo ni muhimu katika historia ya maendeleo ya tasnia ya habari nchini kwa kuwa umelenga kuweka kanuni bora zitakazoratibu tasnia ya habari.

"Tumeitana hapa kushauriana kuhusu kanuni hizi, hivyo hakuna haja ya kueneza wasiwasi kuwa katika mitandao ya kijamii kuwa Serikali imedhamiria kudhibiti Vyombo vyta ya habari", alsiema Dkt. Abbassi.

Wakati huo huo, Serikali

liongeza muda wa siku saba kwa wadau wa sekta ya Utangazaji na Mitandao kuwasilisha maoni yao kuboresha kanuni zilizopendekezwa.

Akifunga mkutano huo, Profesa Elisante alisema kuwa, ni vyema wadau wakaitumia fursa hiyo kuwasilisha maoni yao kwa maandishi ili kuboresha kanuni hizo hatimaye Taifa kuwa na kanuni bora kwa faida ya jamii yote.

Aidha, Profesa Elisante aliwashukuru washiriki kwa kutoa maoni yao na kuahidi kuwa Serikali itayafanya kazi maoni hayo.

Alisisitiza kuwa, ni ukweli kwamba, Vyombo vyta ya habari vinafanya biashara na pia vina wajibu wa kuelimisha jamii, hivyo vitu viwili havina budi kwenda sambasamba bila kuathiri upande mwagine.



Tamasha la Sanaa na Utamaduni la Kimataifa Bagamoyo ladhamiria kuleta tija kwa Wasanii ndani na nje ya Nchi

Na. Genofeva Matemu

Bodi ya Ushauri ya Taasisi ya Sanaa na Utamaduni Bagamoyo (TaSUBa) imeagizwa kukaa na kufanya tathmini ya kina kuandaa mpango mkakati mzuri wa namna ya kuliendesha Tamasha la Sanaa na Utamaduni ili liweze kuwa na tija zaidi kwa wasanii na Taasisi kwa ujumla.

Rai hiyo ilitolewa na Waziri wa Habari, Utamaduni, Sanaa na

Michezo, Mhe. Dkt. Harrison Mwakyembe wakati wa uzinduzi wa tamasha la 36 la Sanaa na Utamaduni la kimataifa Bagamoyo jana katika Taasisi hiyo mijini Bagamoyo.

"Tangu kuanzishwa kwa tamasha hili mwaka 1982, Tamasha limeendelea kuwa kivutio kikubwa kwa Wasanii na wadau wa sanaa ndani na nje ya nchi na wananchi kwa ujumla, hivyo ni vyema Bodi ya Ushauri ya TaSUBa ikapanga mikakati yenye tija zaidi kwa maslahi ya

wasanii wetu na Taasisi yetu", alisema Dkt. Mwakyembe.

Aidha, Mhe. Dkt. Mwakyembe aliipongeza Bodi, Menejimenti, Wafanyakazi na Wanachuo wote wa TaSUBa kwa kazi kubwa wanayoifanya kila mwaka ya kuandaa na kuendesha Tamasha hilo kwa kipindi cha miongo mitatu na nusu mfululizo na kuwataka kutembea kifua mbele kwa rekodi hiyo iliyotukuka ndani na nje ya nchi.

Dkt. Mwakyembe alisema kuwa,



lengo la Tamasha hilo ni pamoja na kutunza na kuenzi sanaa na utamaduni wa mtanzania, kutengeneza jukwaa ambalo wanafunzi wa TaSUBa wanalitumia kupima kiwango chao cha umahiri katika sanaa kwa mwaka, kukutanisha watu wa tamaduni m b a l i m b a l i kutoka sehemu tofauti Duniani ili kuonyesha utajiri wao wa sanaa na u t a m a d u n i , pamoja na kutengeneza jukwaa ambalo ni kiungo cha kujenga mahusiano ya wasanii wa ndani na nje ya nchi kupitia maonyesho ya sanaa na kubadilishana uzoefu na uwezo katika kuendeleza tasnia ya sanaa.

Kwa upande wake Mtendaji Mkuu wa Taasisi ya Sanaa na Utamaduni Bagamoyo (TaSUBa) Dkt. Herbert Makoye alisema kwamba, taasisi yake inajivunia mafanikio makubwa wanayoendelea kuyapata kupitia tamasha hilo kwani kwa sasa tamasha linajumuisha wasanii wa ndani na nje ya nchi pamoja na wanafunzi waliosoma katika taasisi hiyo miaka ya nyuma na waliopo mafunzoni.

Dkt. Makoye aliwashukuru wakazi wa Bagamoyo kwa ushirikiano ambao wamekua



wakiuonyesha kushirikiana na taasisi hiyo katika kuendeleza na kuthamini sanaa na utamaduni wa mtanzania.

Naye Chifu wa Unyanyembe na Mwenyekiti wa Chama cha Machifu Tanzania, Mhe. Msagati Fundikira aliwapongeza watendaji wa TaSUBa kwa kutoa wataalam wazuri katika fani ya sanaa na utamaduni kwani kwa kufanya hivyo wamekua wakiendeleza na kudumisha utamaduni wa mtanzania kwa vizazi vya leo.

Tamasha hilo la 36 la Sanaa

katika na Utamaduni la Kimataifa la Bagamoyo lililokuwa na kauli mbiu isemayo "**Sanaa na Utamaduni katika kupiga vita madawa ya kulevyo**" lilishirikisha wasanii kutoka Kenya, Ufaransa, Uingereza, Zimbabwe na Visiwavya Mayyote na lilihudhuriwa na Mabalozi mbalimbali akiwemo Balozi wa Malawi, Balozi wa Palestina, Balozi wa Uhlanzi pamoja na wawakilishi kutoka Ubalozi wa Zambia, Saudi Arabia, Msumbiji, Japan, Ujeruman, Marekani, India, Urusi na Angola.



Dkt. Harrison Mwakyembe: “Nataka Mkandarasi Mpya wa Kutoa Tiketi Uwanja wa Taifa”

Na. Benedict Liwenga

Waziri wa Habari, Utamaduni, Sanaa na Michezo, Mhe. Dkt. Harrison Mwakyembe alisema kwamba, pindi Uwanja wa Taifa Dar es Salaam utakapokamilia kufanyiwa ukarabati atahakikisha anapatikana Mkandarasi Mpya mwenye vigezo na ambaye ataleta mabadiliko hususani katika utoaji tiketi kulingana na namba za viti vilivyopo ndani ya Uwanja huo.

Kauli hiyo aliitoa Mkoani Mtwara

wakati alipotembelea Uwanja wa Mpira wa Miguu wa Nangwanda ili kujionea miundombinu ya uwanja huo ikiwemo baadhi ya changamoto zinazozikabili kiwanja hicho.

Dkt. Mwakyembe alisema kwamba, kumekuwa na changamoto ya kutofahamika idadi kamili ya watu wanaoingia ndani ya uwanja hali inayopelekea watu kukaa ovyo katika sehemu zisizo rasmi na wengine kulundikana nje ya uwanja wakati pesa za viingilio wamelipia ambapo ameweka wazi kuwa hali hiyo

inasababishwa na urataibu mbovu wa utoaji tiketi.

Akiongea na Uongozi wa Uwanja huo wa Nangwanda Mkoani hapo alisema kwamba, kwakuwa sasa Uwanja wa Taifa uko katika ukarabati, pindi utakapokamilika Mkandarasi mpya lazima apatikane ili pindi mtu anunuapo tiketi yake iendane na kitichake atakachokaa na sio vinginevyo kwakuwa kwa kufanya hivyo kutasaidia kuboresha sura za viwanja nchini.

“Napenda kusitiza suala hili kuwa, ntahitaji apatikane



Mkandarasi atakaetoa tiketi kulingana na siti atakayokaa mtazamaji wa mpira, kwasababu kumekuwa na kero kubwa katika utoaji tiketi hapo mwanzo jambo ambalo halileti sura nzuri kwa jamii", alisema Dkt. Mwakyembe.

Aliongeza kuwa, Watanzania hawanabudi kuiga mifano ya nchi nyingine ambazo zimeudhatiti katika masuala ya utoaji wa wakati wa michezo.

Sambamba na hayo, Waziri Mwakyembe aliupongeza uongozi wa uwanja huo kwa kazi kubwa wanayoifanya ya kuutunza uwanja wa Nangwanda huku akiaihidi kuzifikisha

changamoto za uwanja huo katika Viongozi wa Juu wa Chama cha Mapinduzi (CCM) ili waweze kushirikiana kwa pamoja kuona namna ya kuzitata baadhi ya changamoto hizo.

Uwanja wa Nagwanda ulianzishwa miaka ya 1980 ambapo awali ulikuwa ukiitwa jina la Uwanja wa Umoja Mtwara na baadaye kupewa jina la Uwanja wa Nagwanda lililotokana na jina la mtu maarufu wakati huo.

"Napenda kusisitiza kuwa, nitahitaji apatikane Mkandarasi atakaetoa tiketi kulingana na siti atakayokaa mtazamaji wa mpira, kwasababu kumekuwa na kero kubwa katika utoaji tiketi hapo mwanzo jambo ambalo halileti sura nzuri kwa jamii"

-DKT. HARRISON MWAKYEMBE





Tamasha la Utamaduni Tukuyu chachu ya kukuza na kuendeleza Utamaduni nchini

Na. Eleuteri Mangi

Katibu Mkuu wa Wizara ya Habari, Utamaduni, Sanaa na Michezo Prof. Elisante Ole Gabriel amewataka Watanzania kuenzi na kuimarisha utamaduni wao ili kuepukana na chamgamoto ya utamaduni kutoka nchi za magharibi unaotewa ukuaji wa sayansi na teknolojia.

Prof. Elisante aliitoa kauli hiyo

Tukuyu Mkoani Mbeya wakati wa ufunguzi wa Tamasha la Ngoma za Jadi linaloratibwa na Taasisi ya Tulia Trust inayoongozwa na Naibu Spika wa Bunge la Jamhuri ya Muungano wa Tanzania, Mhe. Dkt. Tulia Ackson inayojishughulisha na masuala ya kukuza na kuendeleza utamaduni nchini.

Prof. Elisante aliwahakikishia vijana kuwa kuwekeza mahali salama, hivyo waendelee kukuza

sanaa yao ili waweze kujijengea jina na kutambulika ndani na nje ya nchi.

"Vijana muendelee kuthamini utamaduni wetu, tusiposimamia, kuwekeza na kuthamini utamaduni wetu, utamaduni wa nchi za Magharibi utawachukua vijana wetu na kuacha tunu yetu ya asili tangu enzi za babu zetu", alisema Prof. Elisante

Prof. Elisante aliwahakikishia



pia waandaaji wa tamasha hilo kuwa, Serikali ipo pamoja nao na kuwataka wapanue wigo wa tamasha hilo ili liweze kuwa na matawi na kuwafikia watu wengi zaidi nchi nzima.

Akifungua tamasha hilo, Mkuu wa Mkoa wa Mbeya , Mhe. Amos Makala alisema kwamba, tamasha hilo limekuwa kichocheo cha kukuza na kuendeleza utamaduni wa Mtanzania hatua inayoongeza fursa ya ajira kwa vijana mkoani Mbeya.

“Utamaduni ukitumika vizuri una fursa nyingi kwa vijana katika maeneo mbalimbali ikiwemo tasnia ya sanaa ambayo itawasaidia vijana kujipatia ajira hatua inayowasaidia kuinua kipato chao na uchumi wa taifa” alisema Mkuu huyo wa Mkoa.

Kwa upande wake Mwasisi wa Taasisi ya Tulia Trust ambaye pia ni Naibu Spika wa Bunge la Jamhuri ya Muungano wa Tanzania, Mhe. Dkt. Tulia



Ackson alisema kuwa, tamasha hilo linafanyika kwa mara ya pili ambapo mwaka huu limekuwa na wigo mpana kwa kushirikisha vikundi vyta ngoma kutoka maeneo mbalimbali nchini.

Kuhusu manufaa ya tamasha hilo, Dkt. Tulia alisema kuwa, mwaka jana taasisi hiyo ilipeleka vijana 20 kupata mafunzo ya kitaalamu kwenye fani ya sanaa na utamaduni katika Taasisi ya Sanaa na Utamaduni

Bagamoyo (TaSUBa) na mwaka huu walishapeleka vijana 27 na kupatiwa ujuzi utakaowasaidia kufanya shughuli zao kwa tija.

Tamasha hilo linahusisha mikoa mbalimbali ikiwemo Mwanza, Lindi, Katavi, Dodoma, Kagera, Tanga, Mtwara, Kigoma na wenyeji mkoa wa Mbeya.



**Naibu Spika wa Bunge
la Jamhuri ya Muungano
wa Tanzania, Mhe. Dkt.
Tulia Ackson akipokea
zawadi ya DVD kutoka kwa
Mchungaji Damian Matipa
wa Kanisa la Uponyaji
Mbeya Mjini yenye
nyimbo za kumpongeza
Naibu Spika kwa kazi
anazofanya.**



Waandishi wa Habari na Watangazaji watakiwa kutumia Kiswahili fasaha

Na. Shamimu Nyaki

Serikali imewataka Waandishi wa Habari na Watangazaji kutumia Lugha ya Kiswahili kwa ufasaha wanapofikisha ujumbe kwa hadhira na kuzingatia kuwa Kiswahili ndio lugha inayotambulisha Taifa letu.

Hayo yalisemwa na Waziri wa Habari, Utamaduni, Sanaa na Michezo, Mhe. Dkt. Harrison Mwakyembe alipotembelea Kituo cha Redio cha Times FM ambapo amewataka Waandishi na Watangazaji kuzingatia Utamaduni wa nchi yetu hasa matumizi sahihi ya lugha ya

Kiswahili ili kikitangaza na kukiendeleza kama adhma ya Serikali inavyosema.

"Nyie ni Mabalozi wa lugha yetu ya Kiswahili kwa kuwa mnakitumia kila siku katika kufikisha ujumbe kwa hadhira yenu, hivyo mnapaswa kikitumia kwa ufasaha kuleta maana ambayo mmeikusudia". Alisema Dkt. Mwakyembe.

Aidha, amewataka waandishi na watangazaji ambao bado hawakizi vigezo vyta kuwa katika tasnia hiyo kwenda shule kuongeza elimu na ujuzi unaotakiwa katika fani hiyo kabla

muda wa ukomo uliotolewa kumalizika kulingana na Sheria ya Habari ya mwaka 2016 inavyosema.

Akizungumzia Sekta ya Sanaa na Utamaduni, Dkt. Mwakyembe alieleza kuwa, Serikali inaendelea kuandaa Sera nzuri itakayoleta matokeo chanya kwa Wasanii kuitia kazi zao hususani suala la wizi wa kazi hizo pamoja na kuwa na Hati Miliki ya kazi zao kwa kushirikiana na COSOTA.

Kwa upande wake Meneja wa Vipindi wa Redio hiyo, Bw. Amani Missana alisema kuwa,



redio hiyo inashiriki kikamilifu katika kuhamasisha Watanzania kuunga mkono Sera ya Tanzania ya Viwanda kuitia vipindi mbalimbali ikiwemo kipindi cha "**Hatua Tatu**" kinachorushwa kila siku za wiki asubuhi.

Hata hivyo, ameishukuru Serikali kwa ushirikiano inaowapatia katika kutekeleza wajibu wao wa kuwaelimisha na kuwaburudisha wananchi na kuahidi kuendelea kufanya hivyo kwa uzalendo bila kuvunja Sheria ya kanuni za Utangazaji na uandaaji wa vipindi vyenye kutoa mtazamo chanya kwa wananchi.

Naibu Waziri Shonza aahidi kusimamia maadili ya Mtanzania



Naibu Waziri wa Habari, Utamaduni, Sanaa na Michezo Mhe. Juliana Shonza (wa pili kushoto) akiongea na baadhi ya Viongozi wa Wizara hiyo akiwemo Waziri wa Habari, Utamaduni, Sanaa na Michezo, Mhe. Dkt. Harrison Mwakyembe (wa kwanza kushoto) mara baada ya kuwasili ofisini mjini Dodoma. Wa kwanza kulia ni aliyekuwa Naibu Waziri wa Wizara hiyo, Mhe. Anastazia Wambura.



Na. Eleuteri Mangi

Naibu Waziri wa Habari, Utamaduni, Sanaa na Michezo, Mhe. Juliana Shonza ameahidi kushirikiana na Watendaji wa Wizara, wadau pamoja na wananchi kwa ujumla kusimamia maadili ya Mtanzania ili kuendelea kuwa na taifa bora.

Mhe. Shonza aliyasema hayo wakati alipowasili katika ofisi za Wizara hiyo mapema wiki hii mjini Dodoma, ambapo alipokelewa na Waziri mwenye dhamana, Mhe. Dkt. Harrison Mwakyembe, viongozi wa Wizara pamoja na watumishi wa Wizara.

“Wizara hii ni muhimu sana kwa kuwa inajenga taswira ya Taifa kuitia sekta zake ambazo ni Habari, Utamaduni, Sanaa na Michezo, hivyo nitahakikisha tunashirikiana kwa karibu katika kuwatumikia wananchi”, alisema Mhe. Shonza.

Aliodgeza kusema kuwa, atahakikisha suala la maadili bora kwa jamii linazingatiwa ili kuendelea kujenga taifa imara kwa kuzingatia mavazi yenye heshima na nyimbo zenye kujenga.

Mhe. Shonza alisisitiza kwamba, niwajibu wetukama watumishi wa Umma kuhakikisha tuncatekeleza llani ya Chama Tawala ambacho kiliahidi kuwatumikia watanzania ili kuhakikisha kuwa, malengo ya Serikali yanafikiwa kwa wakati.



Naibu Waziri wa Habari, Utamaduni, Sanaa na Michezo Mhe. Juliana Shonza (kushoto) alipokelewa na Naibu Katibu Mkuu wa Wizara ya Habari, Utamaduni, Sanaa na Michezo Bi. Nuru Millao (kulia) mara baada ya kuwasili ofisini mjini Dodoma.

Naye aliyejikuwa Naibu Waziri wa Wizara hiyo, Mhe. Anastazia Wambura amempongeza Naibu Waziri Shonza kwa kuteuliwa kushika wadhifa huo na pia amemshukuru Mhe. Rais wa Jamhuri ya Muungano wa Tanzania, Dkt. John Pombe Magufuli kwa kumuamini kuwatumikia Watanzania.

Akizungumzia utendaji kazi, Mhe. Wambura amefananisha utumishi wa umma kama chombo cha usafiri ambapo abiria hushuka kituo mara baada ya kufika na dereva kuendelea na safari.

“Mhe. Waziri, viongozi wenzangu na ndugu zangu watumishi wa Wizara, mimi nimefika kituoni,

Naibu Waziri nakukabidhi kijiti endelea na safari, endelea kuwatumikia Watanzania kama ambavyo ilani ya Chama Tawala inavyoeleza”, alisema Mhe. Wambura.

Kwa upande wake Waziri wa Habari, Utamaduni, Sanaa na Michezo, Mhe. Dkt. Harrison Mwakyembe amemuahidi Naibu Waziri Shonza ushirikiano wa hali na mali katika kuwashudumia wananchi kuitia sekta za Habari, Utamaduni, Sanaa na Michezo.

“Wizara hii ni muhimu sana kwa kuwa inajenga taswira ya taifa kuitia sekta zake”
-; ***Mhe. Shonza***



MATUKIO MBALIMBALI KATIKA PICHA



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe akishiriki matembezi ya mapambano dhidi ya Saratani ya matiti kwa wanawake yaliyofanyika hivi karibuni Jijini Dar es Salaam.



Naibu Waziri wa Habari, Utamaduni, Sanaa na Michezo, Mhe. Juliana Shonza akila kiapo mbele ya Rais wa Jamhuri ya Muungano wa Tanzania, Mhe. Dkt. John Pombe Magufuli hivi karibuni Ikulu Jijini Dar es Salaam.



Rais wa Jamhuri ya Muungano wa Tanzania, Mhe. Dkt. John Pombe Magufuli akiwa katika picha ya pamoja na familia ya Naibu Waziri wa Habari, Utamaduni, Sanaa na Michezo, Mhe. Juliana Shonza mara baada ya kumuapisha hivi karibuni Ikulu Jijini Dar es Salaam.



Katibu Mkuu wa Wizara ya Habari Utamaduni Sanaa na Michezo Prof. Elisante Ole Gabriel akipokelewa na Mkurugenzi Mkuu wa Mamlaka ya Mawasiliano Tanzania Mhandisi. James Kilaba ili kujadili Kanuni za Maudhui ya Utangazaji katika Redio na Tevelisheni, na Kanuni za Maudhui mtandaoni hivi karibuni Jijini Dar es Salaam.



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe (kulia) akionyesha picha yake iliyochorwa na Mjasiriamali aliyebolea masuala ya sanaa ya uchoraji wakati alipotembelea Tamasha la Sanaa na Utamaduni la Kimataifa la 36 Bagamoyo.



Katibu Mkuu wa Wizara ya Habari, Utamaduni, Sanaa na Michezo, Prof. Elisante Ole Gabriel akiongea na Wamiliki, Wawakilishi wa Vyombo vyaa habari pamoja na watendaji mbalimbali wa Serikali katika Mkuu wa majadiliano ya Kanuni za Maudhui ya Utangazaji na Mitando ya Kijamii Jijini Dar es Salaam.



MATUKIO MBALIMBALI KATIKA PICHA



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe (kulia) akipewa maelezo yanayohusu Mashujaa wa Ukombozi waliopigana vita nchini Msumbiji wakati alipotembelea Makaburi ya Mashujaa hao eneo la Naliendele Mkoani Mtwara.



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe (kulia) akipewa maelezo na Mtangazaji wa Vipindi yanayohusu namna vipindi vinavyoendeshwa ndani ya Studio ra Redio ya Times FM iliyopo Jijini Dar es Salaam.



Katibu Mkuu wa Wizara ya Habari, Utamaduni, Sanaa na Michezo Prof. Elisante Ole Gabriel (aliyevaa mashuka ya Kimasai) akiongea na washiriki wa tamasha la Ngoma za jadi linaloratibiwa na Taasisi ya Tulia Trust leo wilayani Tukuyu mkoani Mbeya. Muungano wa Tanzania Dkt. Tulia Ackson.



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe akiangalia ngoma ya kitamaduni toka kwa Kikundi cha Sanaa na Utamaduni cha Taasisi ya Sanaa na Utamaduni Bagamoyo (TaSUBA) wakati wa Tamasha la Sanaa na Utamaduni Afrika Mashariki (JAMAFEST), Uganda.



Waziri wa Habari, Utamaduni, Sanaa na Michezo, Mhe. Dkt. Harrison Mwakyembe akiongea na wadau mbalimbali wa sekta ya Utamaduni kuhusu Tamasha ya Usiku wa Kitendawili kilichofanyika Jijini Dar es Salaam siku za hivi karibuni



Naibu Waziri wa Habari, Utamaduni, Sanaa na Michezo, Mhe. Juliana Shonza akiongea na wadau wa Riadha Tanzania wakati alipokutana nao kwa lengo la kujitambulisha na kufahamu namna wanavyofanya kazi ikiwemo kutambua changamoto zao hivi karibuni Jijini Dar es Salaam.



www.habari.go.tz